

Laschar la detta da chamonas ed uigls vigls

La Fundaziun svizra per la protecziun da la cuntrada reagescha sin l'iniziativa dal chantun Grischun

■ (rtr) La Fundaziun svizra per la protecziun da la cuntrada reagescha sin l'iniziativa dal chantun ch'il cussegl grond ha decidì. Ord vista da la planisaziun dal territori sco era dal turissem saja fauss da vulair trasformar uigls en chasas da vacanzas, scriva ella.

Tenor la Fundaziun svizra per la protecziun da la cuntrada gidass il Grischun uschia en emprima lingia il Vallais per che quel posia legalisar las bleras transformaziuns illegalas. Cun nizzegiar enturn bajetgs ordai fer la zona da construcziun dettia la paradoxia ch'ils centers dals vitgs e lieus daven-tian bandunads entant ch'i dat ordai fer il vitg adina dapli chasas. Il cussegl grond aveva sustegnì cleramain la moziun da deputà *Reto Cramer* (pcd) cun 86 a 24 vuschs. Cun in'iniziativa dal chantun duaia il parlament a Berna midar la lescha federala. La finamira è d'evitar che chamonas ed uigls vigls, che n'èn betg en la zona da bajegiar, gajan en decadenza. Iniziatives dal chantun na datti dentant betg savens, almain betg or dal Grischun: Ils ultims 20 onns haja dà be sis talas iniziatives chantunalas, ha confermà la chanzlia federala sin dumonda dad RTR. La regenza grischuna sto uss elavurar l'iniziativa dals chantuns ed inoltrar quella a Berna. Sco emprim discuttan las cumissiuns l'iniziativa dals chantuns e fan lura ina proposta al cussegl naziunal ed al cussegl dals chantuns. La regenza grischuna aveva gia prendì posiziun: ella refusa la pretaisa. Tenor la regenza pudessan 20 000 anteriuras stallas uschia vegnir transformadas en abitaziuns. Cunquai vegniss messa en dumonda la separaziun da territori da construcziun e territori da betg construcziun, uschia l'argumentaziun da la regenza. En in'ulteriura incumbensa ha Cramer pretendì che las proceduras per survegnir lu-



Da tut in auter avis che la maiortad dal cussegl grond dal Grischun partenent tge far cun igls uigls vigls che na vegnan betg duvrads pli per l'agricultura e van en decadenza è la Fundaziun svizra per la protecziun da la cuntrada.

FOTO Y. BÜRKL

bientschas da bajegiar vegnian pli simplas e pli spertas. Quai fiss pussaivel enten: scursanir il temp da recurs, sclerir tgi che dastga insumma far recurs, lubir dapli projects da bajegiar senza lubientscha,

simplifitgar ils documents ch'èn d'inoltrar e sclerir ina procedura electronica per las lubientschas da bajegiar. Il cussegl grond ha acceptà la moziun cun 91 cunter 15 vuschs. Gia ordavant aveva la regenza de-

clerà ch'ella saja pronta d'acceptar questas propostas e d'integrar ellas en la revisiun da la lescha davart la planisaziun dal territori. Quella vegn il cussegl grond probabel a discutir l'atun 2017.